

religieuses faire le salut pareillement, & fermer le Iubilé, on ne tira point.

*difficulté sur le pain benit.*

Le pain benit du Dimanche fut transporté au lundy, iour de la Circoncision. Mons<sup>r</sup>. le Gouverneur le donna; il y eut quelque parolle en suite a qui on le donneroit apres luy, & il fut trouué plvf a propos de le donner aux deux marguillers, Mons<sup>r</sup>. Giffar & Mons<sup>r</sup>. des Chastelets, & puis commencer par le haut de la coste de S<sup>te</sup>. geneuieue, comme par vne rüe; puis reuenir par en bas, comme par vne autre rue, & continüer de la sorte le p. Vimont en dressa vn Catalogue.

*Iustice de deux yurongnes.*

Deux de nos françois s'estant mis a boire, attendant la messe de minuit, s'enyurerent avec beaucoup de scandale de quelques françois & sauuages qui les virent, on prescha fortement contre, a raison de ce que les sauuages disoient on nvf fait prendre la discipline, quand nvf nvf enyurons & on ne dit rien aux françois. il n'en falloit pas dauantage que ce qui en fut dit en public. Mons<sup>r</sup>. le gouverneur les fit mettre sur le cheualet exposes a vn Nord est espouuantable.

*on va a richelieu*

le p. de noüe partit du 3. riu. le Dimanche deuant Noël p<sup>r</sup>. aller a richelieu leur faire gangner le Iubilé. il y demeura 12. Iours, & en raporta, qu'il y auoit quelque espece de necessité qu'on y retournast pour empescher bien du desordre & de la brouillerie

Sur la fin de l'année, les Vrsulines & Hos-